



PARAMANI O TE KUKI AIRANI

TURE TAMANAKO NO TE PAE TANU 2020

KARERE AKAMARAMA

Ko te Ture Tamanako no te Pae Tanu te akataka nei te reira i te au angaanga, au mana e pera te akaaereanga o te Pae Tanu i raro ake i te au akateretereanga ou no te akakoroanga i te akapapu e ka rauka i te Pae Tanu i te akatere matutu i te au angaanga no te pae tanu e pera te turu atu e te akapuapinga i te reira no te tuatau ki mua .

Irava 1 koia oki te akaupoko anga o teia ture tamanako e ko te Ture Tamanako no te Pae Tanu 2020.

Irava 2 te akakite anga e ko teia Ture Tamanako (me akamanaia) ka taangaanga ia te reira i te ra 1 o Tiurai 2020.

Pae 1 **Au manako akatomo**

Irava 3 te akataka anga i te au akakoroanga o te Ture Tamanako. Koia oki—

- ko te turu i te au angaanga e te akapuapinga i te pae tanu
- oronga mai i te au mana no te koikoi tuatua me kare karere ou e pera au akanoonoo anga kia taangaanga ia no te pae tanu:
- akamana anga i te pae angaanga tanu:
- akataka nei i te au angaanga akarakara e te akatakaanga i te au mana e pera te au akanoonoo anga kia aru ia:
- turu atu i te au mana akatere angaanga i roto i teia Ture Tamanako kia iri ki te au enua katoatoa o te Kuki Airani:
- turu atu i te akatupuanga o tetai kumiti akamarama no te tauturu i te akatupu i te au angaanga i raro ake i teia Ture Tamanako.

Irava 4 no runga teia i te akairianga o teia Ture Tamanako me akamanaia. Ka iri atu te reira ki te au enua katoatoa o te Kuki Airani.

Irava 5 no runga teia i te aiteanga. Te au tuatua akamaramaanga ou mei te au apinga ka arapaki i te au apinga tanu me kare i te pae tanu, te au mou o te angaanga tanu, koikoi tuatua, te au mea tauturu i te pae tanu, Minita me kare Minita akatere, pae angaanga, pae angaanga akatere, e pera te au tangata me kare putuputuanga e rave kapipiti nei i te angaanga tanu

Irava 6 akataka nei kia itiki ia teia Ture Nui ki te Korona.

Pae 2
Te Pae Tanu, tana angaanga e tona au kumiti
Paeiti 1—Te Pae Angaanga

Irava 7 akataka nei i te akakoroanga o te Pae Tanu.

Irava 8 akataka nei i te au angaanga a te Pae Tanu. Te au tuanga angaanga puapinga ou koia oki:

- te akamatutu anga i te au angaanga tanu mei te —
 - tanutanu, angai puakatoro e pera te aka-uanga kai, manu, tiare, e te vai atura:
 - akatere i te au angaanga aka-uanga rakau e te manu:
 - paruru i te oraanga me kare, te au manu e tetai uatu au manu angai:
- akatupu anga e pera te taangaanga i te au parani, au kaveinga e te au parani angaanga no te pae angaanga tanu:
- akatupu anga e pera te taangaanga i te au angaanga akamatutu i te angaanga tanu, te au porokaramu e pera te au angaanga i akatakaia:
- akatupu anga i tetai au akanoonoo anga tau e te puapinga no te pae angaanga tanu.

Irava 9 akatakaanga i te au takainga arataki kia aru ia e te Pae Tanu, kia meitaki e kia tau te raverave anga o te au angaanga i anoanoia. Ko tetai takainga maata koia oki, te anoano anga kia oronga mai te au putuputuanga i vao e rave nei i te angaanga tanu i to ratou manako ki roto i te angaanga a te Pae Tanu mei te

- au Kavamani Enuia e tetai atu au tuanga ke i te Pa Enuia e irinaki anga katoa to ratou i roto i te angaanga tanu; e pera
- te au taokotaiana e angaanga kapiti nei ki te Pae Tanu i te pae parani, tuku tika e pera au angaanga akameitaki me kare au porokaramu angaanga.

Irava 10 akatakaanga i te au angaanga a te Tekeretere o te Pae Tanu.

Irava 11 akatakaanga i te Pae Tanu, e, e tipatimani no te kavamani, e kia aru i te au akatakaanga o te ture Nui no te au Tangata angaanga a te Kavamani 2009 e pera te Ture Nui o te Pae Akatere i te Moni a te katoatoa 1995-96

Paeiti 2—Te au Kumiti o te Pae Tanu

Irava 12 akatakaanga i te Tekeretere o te Pae Tanu kia akatupu me kare iki i tetai au kumiti no te au akakoroanga o teia Ture Nui me kare au Ture tei piri katoa mai (takake mei te Ture Nui Paruru i te au apinga ora mei vao mai te basileia 2008, ko tei akataka i tana au akanoonooanga no tona au kumiti). E tuke katoa teia mei te akanoonoo anga o teia tuatau i raro ake i te Ture nui o te Pae Tanu e te Tautai 1978, ko tei anoano i te Pae Tanu kia akatupu i tona au kumiti.

Irava 13 akatakaanga i te Tekeretere o te Pae Tanu kia tuku i te akakoroanga, au angaanga, e pera te au mema o te au kumiti tatakitai.

Irava 14 akatakaanga i te au moni tutaki i te au mema o te kumiti mei roto atu i te akapapaanga moni a te Pae Tanu kia tau ki te akapapaanga a te Tekeretere o te Pae Tanu. Inara, kare e tutaki ia tetai mema mei te mea e tangata angaanga aia na te

kavamani me kare, e mema aia i runga i tetai kopapa akatere o tetai kopapa angaanga a te kavamani.

Irava 15 anoano anga kia akakite ia ki te katoatoa no runga i te akatupuanga me kare takoreanga o tetai kumiti.

Pae 3

Koikoi anga tuatua

Irava 16 te au akanoonooanga no te ikianga o te au tangata koikoi tuatua me kare karere e ta ratou au angaanga, koia oki te koikoi mai i te au tuatua na te Pe Tanu no tetai me kare e manganui te au akakoroanga mei tei akatakaia e te *irava 17*.

Irava 17 akatakaanga i te akakoroanga o te koikoi anga tuatua koia oki i te rave anga i te reira kia rauka i te Pae Tanu i te —

- akapapa i te au angaanga e tupu nei no te au angaanga tanu:
- kite atu me kare akapapa i te au ngai taii i te pae angaanga tanu:
- rave i te au takainga tau i te tuatau tumatetenga no te paruru atu i te au manumanu kino ka tae mai e pera tetai uatu rakau me kare manu ka tae mai.

Irava 18 oranga anga i te au mana ki te au tangata koikoi karere kia pati atu i te au tangata me kare au taokotai anga kia oronga mai i te au karere e mou ra ratou tei anoanoia kia oronga ia mai no tetai me kare maate te au akakoroanga i akatakaia i roto i te *irava 17*. Ko te reira au tuatua, me kare au rekoti kia akaoki iatu te reira ki te au tangata na ratou te reira i oronga mai i muri ake i te nenei anga me kare maani ia ei tetai rekoti na ratou, me kare i roto i te tuatau i akatakaia i muri ake ka pou ei te tuatau no te reira. Ko te patianganga kia oronga ia mai te reira au tuatua me kare rekoti anga, kare te reira e iri atu ki runga i te au tuatua me kare karere no te pae kimi puapinga me kare au karere me kare rekoti muna.

Irava 19 akakotinga anga i te taangaanga i te au tataanga tuatua me kare kapi o te au karere me kare au rekoti tei anoano ia kia maani ia no te akakoroanga i maani ia ei te reira. Te arai katoa nei teia irava i te akaari anga i teia au tuatua me kare karere ki te katoatoa, mari ua i raro ake i te akaueanga a te Akavaanga Teitei

Irava 20 akakotinga anga i te au akanoonooanga no te au karere me kare au rekoti kia taangaanga ia i raro ake i teia Ture Tamanako. Ko te tangaanga atu i teia au karere nei no te akakoroanga o te akapapaang, a me kare au tutaki anga tero, kare te reira e akatikaia.

Irava 21 akataka anga no runga i tetai tukuanga tuatua akakite kia oronga me kare, tuku atu i te karere me kare, rekotianga mei te mea e, e patianganga no tetai karere tei arai ia mai.

Irava 22 akatakaanga e mei te mea kare e rave ia tei akakite ia na roto i te karere i tukuia i raro ake i te *irava 21* ka akaapaia te reira, mei te mea e tangata takitai, e utunga moni kare i tere atu i te \$10,000 me kare i tetai uatu akautunga anga (ei akaraanga, ko tetai uatu kopapa putuputuanga), na roto i te utunga tutaki moni kare i tere atu i te \$50,000.

Pae 4

Te au Tangata akarakara

Irava 23 akamaramaanga i te pirianga o te Pae 4. Kua akataka mai e no tetai manamanaata ka akatano ia i raro ake i te Ture Nui Au Vairakau tamate manumanu 1987 me kare Ture Nui Paruru I te au mea Ora ka apai ia mai ki roto i te basilea 2008, e mea taau e kia rave ia rai te reira i raro ake i te reira nga ture, e kare i raro ake i teia Ture Tamanako.

Irava 24 akatakaanga no te ikianga o te au tangata akarakara.

Irava 25 akatakaanga i te au mana o te au tangata akarakara. Te katoa anga o te reira au mana koia oki—

- no te au akakoroanga i te timata e pera kimi oonu, rave mai i tetai au akaraanga e pera au tutu o tetai apinga tei irinaki ia e kua, me kare ka, me kare te tamanako anga e ka arapaki atu i te angaanga tanu me kare pae tanu katoatoa:
- kia rave atu i te kimikimi anga ki roto i te au angaanga taukore i roto i te angaanga tanu (ei akaraanga, takinokino anga atu i te au kai tanu na roto i te totoa anga i tetai vairakau tamate rakau i te tuatau aangi anga matangi ririnui):
- kia rave atu i tetai akapapaanga no tetai takinokino i akatupu ia e te pae tanu:
- kia tauturu atu i te takore i tei takinokino ia:
- kia rave mai mei tetai tangata tei irinaki ia e kua rave, te rave ra me kare te akkaoro ra i te rave i tetai angaanga te ka riro i te arapaki atu i te angaanga tanu me kare te pae tanu katoatoa, te ingoa o te reira tangata e tona ngai nooanga, me kare kia rave mai i te au tuatua me kare rekoti no tetai uatu apinga tei irinaki ia e ka arapaki atu i te angaanga tanu me kare pae tanu katoatoa:
- kia tuku atu i te akaueanga no tetai apinga i irinaki ia e tei, me kare ka riro i te arapaki atu i te angaanga tanu me kare pae tanu katoatoa e kia akaatea, paruru me kare akaiti mai i te kino ka tupu. Ko te au tangata e pera taokotai anga ka arapaki ia, ka tau ratou kia tutaki ia me kare kia tupau ia ta ratou moni i pou i te aru anga i te au mea i tau kia raveia.

Irava 26 akatakaanga no runga i te oronga anga au karere akamatakite. Ko te au karere e tuketuke to ratou au anoano e kua akakoroia kia takore me kare akaiti i te arapaki me kare ka arapaki atu i te angaanga tanu me kare te pae tanu katoatoa.

Irava 27 akatakaanga i te Tekeretere o te Pae Tanu kia tuku atu i tetai karere akakiteanga kia akamutu ia tetai akakoroanga me kare angaanga tei irinaki ia e ka riro ei arapaki atu i te angaanga tanu me kare I te pae tanu katoatoa.

Irava 28 akatakaanga i te au akautunga anga no te au akaapaanga i raro ake i teia Ture Tamanako. Ko te reira au akaapaanga ka akautunga iatu ki te utunga tutaki moni e \$10,000 no te au tangata tatakitai. Ko tetai au akautunga anga (ei akaraanga, te au utunga no te au taokotai anga) te utunga tutaki moni ka tae atu ki te \$50,000. Te vai katoa rai te au akautunga anga no te au ra tatakitai no te au akaapaanga koia oki e \$100 no te tangata tatakitai e, e \$500 no tetai au taokotai anga.

Pae 5

Au akaapaanga rikiriki

Irava 29 Akatakaanga e ko te au opita akarakara e te au tangata koikoi karere kia oronga atu i tetai au akakite anga no te au akaapaanga rikiriki. Ko te au akaapaanga rikiriki e pera te au tutaki anga moni tei anoanoia ratou kia tutaki, kua akapapa ia te reira i roto i te au tureiti. Me tutaki tetai tangata i te reira utunga, kare aia e akautunga akaou iatu no te reira akaapaanga.

Irava 30 akatakaanga no tetai tangata kare e tutaki i te utunga no te akaapaanga iti, ka akautunga iatu aia ki te utunga tutaki moni vaitata atu ki te \$500.

Pae 6 **Au Manako ke**

Irava 31 no runga teia i te pirianga i rotopu i te Pae Tanu e te au Kavamani enua i te pa enua. Te akataka nei teia e ko te Pae Tanu kia angaanga kapiti atu me kare patana kapiti ki te au Kavamani Enea e kia oronga i te au angaanga e pera te au mana i raro ake i te Ture Nui Au Tangata angaanga a te Kavamani 2009 ki te au tangata angaanga e pera te au mata angaanga o te au Kavamani Enea.

Irava 32 anoano nei e ko te au akakiteanga karere i raro ake i teia Ture Tamanako kia tuku iatu i roto i te reo Maori e te Papaa.

Irava 33 akapapuanga e ko te Tekeretere o te Pae Tanu kia rave i tetai au kimikimi anga ki roto i tetai uatu manamanata i roto i te au angaanga a te Pae Tanu.

Irava 34 akatakaanga e kia oronga ia mai tetai peapa tikaanga no te kimi matatio e te Akavaanga Teitei ei tikaanga kia tomo atu ki roto i tetai ngai mei te mea e —

- kua tarotokaka ia e, e angaanga tarevake tetai i raveia, me kare te raveia ra, me kare ka raveia i te aati atu i teia Ture Tamanako; e pera
- kua irinaki ia e ko te akapapu anga no tetai akaapaanga i raveia ka kitea te reira ki roto i tetai ngutuare me kare apinga akaoro.

Irava 35 akapapuanga e ko te Tekeretere o te Pae Tanu e pera tetai uatu opita angaanga ka tikaia ratou kia oronga tuatua akapapu i roto i te akavaanga na roto i tetai peapa akamanaia.

Irava 36 akatakaanga e ko te au angaanga ka raveia i raro ake i teia Ture Tamanako i muri ake ka akamutu ei tetai ikianga, ka mana rai te reira.

Irava 37 paruru anga i te au tangata angaanga mei te akaapaanga taukore mei vao mai ia ratou e rave ra i te au angaanga tau i raro ake i teia Ture tamanako.

Irava 38 akatakaanga i te maani anga o te au tureiti.

Irava 39 takoreanga i te Ture Nui o te Pae Anganga Tanu e te Tautai 1978.

Irava 40 akatakaanga i te akatukeanga o tetai au Ture nui tei akakite ia i roto i *Akapapaanga 2*.

Irava 41 te au akatakaanga no te taporoporo e pera te au tau i anga.

Akapapaanga 1 te au Ture nui i raro ake i te akatereanga a te Pae Tanu.

Akapapaanga 2 au akatukeanga puapinga no tetai au Ture Nui.
